

վարչական տույժ նշանակելու մասին

«29» մարտի 2023թ

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետ Հայկ Միրզոյանս, քննելով «Մաքս Բորդեր» ՍՊԸ-ի մաքսային ձևակերպումների մասնագետ՝ Վարդգես Վարդանի Սաքանյանի (ՀՀ նույն. քարտ՝ 010320810, հասցե՝ ՀՀ, Լոռու մարզ, ք.Վանաձոր, Վարդանանց 51/4) կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

1. Գործի նկարագրությունը:

2023 թվականի մարտի 14-ին թիվ 05100033/140323/0020664 տարանցման հայտարարագրով «Ավտոռում» ՍՊ ընկերության անվամբ ձևակերպվել է ԱՏԳ ԱԱ 87032390880 ծածկագրին դասվող «NISSAN ROGUE 2.5» մակնիշի ավտոմեքենա: Հայտարարագրին 35-րդ «Բրուտտո քաշ» դաշտը լրացվել է սխալ՝ 1553,1 կգ-ի փոխարեն լրացվել է 155,1 կգ :

2. Սույն վարչական գործի քննության համար նշանակություն ունեցող փաստեր:

1. 14.03.2023թ.-ին թիվ 05100033/140323/0020664 տարանցման հայտարարագրով ձևակերպվել է ավտոմեքենա:
2. 14.03.2023թ.-ին Վարդգես Վարդանի Սաքանյանի նկատմամբ կազմվել է մաքսային կանոնների խախտման վերաբերյալ արձանագրություն՝ ՀՀ մաքսային կարգավորման մասին օրենքի 316-րդ հոդվածի հատկանիշներով: Նշանակվել են լուսմներ 24.03.2023 թվականին, ժամը 16:00-ին, և գործի քննություն՝ 2023թ.-ի մարտի 29-ին ժամը 11:30-ին, որի վերաբերյալ վերջինս առձեռն ծանուցվել է, սակայն չի ներկայացել լուսմներին:
3. Սույն մաքսային կանոնների խախտման վերաբերյալ գործը քննվել է «Մաքսային կարգավորման մասին» ՀՀ օրենքի 332-րդ հոդվածի ուժով:

3 Սույն գործի փաստական և իրավական հիմնավորումները, վարչական մարմնի եզրահանգումները:

ԵԱՏՄ մաքսային օրենսգրքի (այսուհետ՝ Օրենսգիրք) 2-րդ հոդվածի 7-րդ կետի համաձայն՝ «Հայտարարատուն այն անձն է, որը հայտարարագրում է ապրանքներ կամ որի անունից հայտարարագրվում են ապրանքներ, իսկ 35-րդ կետի համաձայն մաքսային հայտարարագրումը մաքսային մարմնում մաքսային հայտարարագրի միջոցով ապրանքների վերաբերյալ տեղեկությունների, ընտրված մաքսային ընթացակարգի վերաբերյալ և (կամ) ապրանքների բացթողման համար անհրաժեշտ այլ տեղեկությունների հայտագրումն է»:

Օրենսգրքի 84-րդ հոդվածի 2-րդ կետով սահմանված են հայտարարատուի պարտականությունները, այն է՝ «Կատարել ապրանքների մաքսային հայտարարագրում, մաքսային մարմին ներկայացնել մաքսային հայտարարագրում հայտագրված տեղեկությունները հաստատող փաստաթղթեր, ներկայացնել հայտարարագրվող ապրանքները և վճարել մաքսային վճարները», իսկ 3-րդ կետի համաձայն՝ «Հայտարարատուն անդամ պետությունների օրենսդրությանը համապատասխան, պատասխանատվություն է կրում սույն հոդվածի 2-րդ կետով նախատեսված պարտականությունները չկատարելու, մաքսային հայտարարագրում ոչ հավաստի տեղեկություններ հայտագրելու, ինչպես նաեւ մաքսային ներկայացուցչին անվավեր, այդթվում՝ կեղծ և (կամ) ակնհայտ ոչ հավաստի (սուտ) տեղեկություններ պարունակող փաստաթղթեր ներկայացնելու համար»:

Օրենսգրքի 104-րդ հոդվածի համաձայն՝ «Ապրանքները ենթակա են մաքսային հայտարարագրման դրանք մաքսային ընթացակարգով ձևակերպելու կամ սույն Օրենսգրքին համապատասխան սահմանված այլ դեպքերում: Մաքսային հայտարարագրումն իրականացվում է հայտարարատուի կամ մաքսային ներկայացուցչի կողմից, եթե սույն օրենսգրքով այլ բան սահմանված չէ: Մաքսային հայտարարագրումն իրականացվում է գրավոր և (կամ) էլեկտրոնային եղանակով»:

Օրենսգրքի 107-րդ հոդվածով սահմանվում են տարանցման հայտարարագրերում նշման ենթակա տեղեկությունները:

Օրենսգրքի 401-րդ հոդվածի 1-ին և 2-րդ մասերի համաձայն՝ «Մաքսային ներկայացուցիչը հայտարարատուի կամ այլ շահագրգիռ անձ անցանունից և նրանց հանձնարարությամբ իրականացնում է մաքսային գործառնություններ այն անդամ պետության տարածքում, որի մաքսային մարմնի կողմից նա ընդգրկվել է մաքսային ներկայացուցիչների ռեեստրում՝ մաքսային կարգավորման ոլորտի միջազգային պայմանագրերին և ակտերին համապատասխան, մաքսային ներկայացուցչի հարաբերությունները հայտարարատուների կամ այլ շահագրգիռ անձանց հետ ձևավորվում են պայմանագրային հիմքի վրա»:

Օրենսգրքի 405-րդ հոդվածի 1-ին մասի 6-րդ կետի համաձայն՝ «Մաքսային ներկայացուցիչը պարտավոր է կատարել սույն Օրենսգրքով սահմանված և (կամ) անդամ պետությունների՝ մաքսային կարգավորման վերաբերյալ օրենսդրությամբ սահմանվող այլ պարտականություններ»:

«Մաքսային կարգավորման մասին» ՀՀ օրենքի 301-րդ հոդվածի 1-ին մասի համաձայն՝ «Մաքսային կանոնների խախտում է համարվում անձի կատարած անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության պետական սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենքով նախատեսված է պատասխանատվություն»:

«Մաքսային կարգավորման մասին» ՀՀ օրենքի 316-րդ հոդվածի 1-ին մասի համաձայն՝ «Ապրանքները կամ տրանսպորտային միջոցները չհայտարարագրելը կամ ոչ իրենց անվանմամբ հայտարարագրելը կամ հայտարարագրում ոչ ճշգրիտ տեղեկություններ նշելը, որի հետևանքով չի առաջանում մաքսային վճարների, մաքսային մարմինների կողմից գանձվող այլ հարկերի, տուրքերի և վճարների (բացառությամբ մաքսային մարմինների կողմից մաքսային գործառնությունների կատարման համար գանձվող պետական տուրքի) չհաշվարկում (պակաս հաշվարկում) կամ չվճարում (պակաս վճարում), ինչպես նաև արգելքների և սահմանափակումների, ոչ սակագնային կարգավորման միջոցների չկիրառում՝ հանցագործության հատկանիշների բացակայության դեպքում՝ առաջացնում է նախազգուշացում»:

Նույն օրենքի 332-րդ հոդվածի համաձայն՝ «Մաքսային կանոնների խախտումների վերաբերյալ գործը քննվում է պատասխանատվության ենթարկվող անձի մասնակցությամբ կամ Վարչական իրավախախտումների վերաբերյալ Հայաստանի Հանրապետության օրենսգրքի 267-րդ հոդվածով սահմանված դեպքերում՝ տվյալ անձի բացակայությամբ: Մաքսային կանոնների խախտումների վերաբերյալ գործը կարող է քննվել սույն հոդվածի 1-ին մասում նշված անձի բացակայության դեպքում, եթե անձը բացակայում է, և հայտնի չէ նրա գտնվելու վայրը, կամ եթե նա գտնվում է Հայաստանի Հանրապետության պետական սահմաններից դուրս»:

Ներկայացված նյութերի ուսումնասիրության արդյունքում պարզվել է, որ 2023 թվականի մարտի 14-ին թիվ 05100033/140323/0020664 տարանցման հայտարարագրով «Ավտոռում» ՍՊ ընկերության անվամբ ձևակերպվել է ԱՏԳ ԱԱ 87032390880 ծածկագրին դասվող «NISSAN ROGUE 2.5» մակնիշի, 2017 թվականի արտադրության ավտոմեքենա: Հայտարարագրի 35-րդ «Բրուտտո քաշ» դաշտը լրացվել է սխալ՝ 1553,1 կգ-ի փոխարեն լրացվել է 155,1 կգ:

Վերը նշված հայտարարագրում սխալ տեղեկություն նշելը չի հանգեցրել մաքսային վճարների, մաքսային մարմինների կողմից գանձվող այլ հարկերի, տուրքերի և վճարների (բացառությամբ մաքսային մարմինների կողմից մաքսային գործառնությունների կատարման համար գանձվող պետական տուրքի) չհաշվարկում (պակաս հաշվարկում) կամ չվճարում (պակաս վճարում), ինչպես նաև արգելքների և սահմանափակումների, ոչ սակագնային կարգավորման միջոցների չկիրառում: Այսինքն Արամ Ազատյանի առկա է «Մաքսային կարգավորման մասին» ՀՀ օրենքի ՀՀ օրենքի 316-րդ հոդվածի 2-րդ մասով նախատեսված իրավախախտման հատկանիշներ:

Այսինքն Վարդգես Վարդանի Սաքանյանի առկա է «Մաքսային կարգավորման մասին» ՀՀ օրենքի ՀՀ օրենքի 316-րդ հոդվածի 2-րդ մասով նախատեսված իրավախախտման հատկանիշներ:

4 Եզրափակիչ մաս:

Ելնելով վերոգրյալից և ղեկավարվելով «Մաքսային կարգավորման մասին» ՀՀ օրենքի 316-րդ հոդվածի 2-րդ մասով, 322-րդ, 334-րդ հոդվածներով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. Մաքսային կարգավորման մասին» ՀՀ օրենքի 316-րդ հոդվածի 2-րդ մասով նախատեսված մաքսային կանոնների խախտում կատարելու համար Վարդգես Վարդանի Սաքանյանին ենթարկել վարչական պատասխանատվության՝ տուգանելով 10.000 ՀՀ դրամի չափով :
2. Որոշման մասին հայտնել Վարդգես Վարդանի Սաքանյանին:
3. Պարզաբանել, որ ՀՀ մաքսային կարգավորման մասին օրենքի 334-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և օրենքի 4-րդ մասի համաձայն որոշումը կարող է բողոքարկվել «Մաքսային ծառայության մասին» օրենքի 37-րդ հոդվածով սահմանված կարգով կամ դատական կարգով:

Սույն որոշմամբ նշանակված փուլանքի վճարման հաշվեհամարն է. **900005024055 (ՀՀ պետական բյուջե, կենտրոնական գանձապետարան, Արևելյան մաքսատուն-վարչություն, ԿՈԴ 29):**

ԱՐԵՎԵԼՅԱՆ ՄԱՔՍԱՏՈՒ

ՎԱՐՉՈՒԹՅԱՆ ՊԵՏ՝

ՀԱՅԿ ՄԻՐՉՈՅԱՆ